

COMMUNICAZIUN A LAS MEDIAS **pro infirmis**

In project da Pro Infirmis Grischun

Metter ord via obstachels dal mintgadi

Tschertgà soluziuns innovativas

Metter ord via obstachels dal mintgadi – quai è la finamira da la surdada dal Cristal da Pro Infirmis da quest onn cun il tema «Nus n'ans laschain betg impedir». Persunas cun in impediment, lur parents e lur persunas da referiment han nizzegià la pussaivladad d'annunziar enfin la fin da zercladur 2021 lur obstachels dal mintgadi.

A partir da gievgia, il 1. da fanadur fin mardi, ils 14 da settember 2021, pon tuts inoltrar via la pagina-web www.alltagshuerden.ch soluziuns pussaivlas per quests obstachels dal mintgadi. Las victuras ed ils victurs da las meglras soluziuns vegnan eruids da persunas pertutgadas e d'ina giuria.

Pro Infirmis s'engascha per l'inclusiun e l'autodeterminaziun d'umans cun in impediment. Per la 15avla giada surdat Pro Infirmis Grischun il Cristal da Pro Infirmis. Cun il project actual vul Pro Infirmis, ensemen cun persunas pertutgadas, render attentas la publicitad e la politica als obstachels dal mintgadi e preschentar soluziuns pussaivlas.

Obstachels dal mintgadi

Bleras persunas enconoschan ed inscuntran en lur mintgadi obstachels che restrenschan u disturban ellas. Cun il Cristal da quest onn duain persunas pertutgadas, lur parents e lur persunas da referiment obtegnair la pussaivladad da render attent a lur obstachels dal mintgadi. Els han perquai inoltrà e publictà 50 contribuziuns sin www.alltagshuerden.ch. La diversitad da las contribuziuns mussa ch'i dat en tut ils secturs da la vita obstachels che difficuleschan u impedeschan ina vita autonoma, autodeterminada ed independenta. Uss è la populaziun dumandada d'inoltrar – en il rom d'ina bursa d'ideas e d'ina concurrenza – soluziuns pussaivlas per quests obstachels dal mintgadi. Las propostas vegnan validadas d'ina giuria e da las persunas che han inoltrà ina contribuziun. Da la giuria fan part persunas pertutgadas, spezialistas e represchentants da la politica e da l'economia.

La campagna «Dar nagina schanza ad obstachels dal mintgadi» è in project chantunal per in bun intent che giada in vast sustegn. Per ch'ins possa sensibilisar la populaziun e cuntanscher las persunas interessadas, è la campagna dependenta dal sustegn medial.

La surdada dal premi

La rangaziun da las propostas e la surdada dal premi èn publicas ed han lieu ils **22 da november 2021 en il Titthof** a Cuiras. Pro Infirmis spera ch'il project haja in grond effect general. Tuts èn envidads da sa participar. Ultra da la reconoschientscha publica datti da gudagnar il Cristal da Pro Infirmis e premis attractivs en furma da daners.

Cuiras, ils 30 da zercladur 2021 / Pro Infirmis Grischun